

## Gaaffii Kadhannaa Waldaa Addunyaa

- Gooftaa, haara'umsi guddaan inni durii sun waldaa kee bara xumuraa kana keessa adaraa ha guutu. Eebbi samii akka gad bu'utti mee nuti dhugaadhaaf hadhaabbannu, Haara'umsi kunis ana irraatii ha eegalu.
- Gooftaa, waaqeffanna guyyaa guyyaadhaan geggeeffamu keessatti akka dhuunfaatii fi akka maatiitti itti jabaachuu keenya nuti agarsiisi.
- Gooftaa, manca'iinsa jireenya keenya keessa jiru, akka nuti guutuu guutummaatti sirratti hin xiyyeeffanne kan nu godhu akka arginuuf ija keenya nuuf bani. Waaqeffannaadhaaf immoo garaa gargar hin hiramne nuuf kenni
- Gooftaa, akka ati ganama yeroo hundumaa nu dammaqsituuf heyyamamoo akka siif taanuuf nu gargaari, yeroo sana kadhannaa fi dubbii keetiif ariitii kan hin qabne mi'awaa kan ta'e yeroo ga'aa qabaannatii.
- Akkuma amma jiru kanatti gara kee dhufuudhaaf akka ati nu gargaartuuf si kadhannaa, waanta nutii dhaga'aamu hundumaa wajjin, hir'uu keenyaa wajjin, cubbuu keenyaa fi fedhii keenyaa wajjin, akkasumas nu jaallachuun, nu jijjiiruunii fi waanta akka nuti taanu barbaaddu sana nu gochuun fedha kee nuuf hata'u.
- Gooftaa, cuuphaa hafuura qulqulluutiif guyyaa guyyaadhaan akkamitti akka kadhannu nu barsiisi.
- Bokka booddee, Haafuura Qulqulluu isa dhuga ba'umsa keenyatti humna godhuu fi utuu ati deebitee hin dhufin fuula dura hojii kee galmaan ga'uuf isa nu dandeesisu sana akka nuuf laattuf si kadhanna.
- Maatii keenyaatiif aarsaa of gochuun akkamitti akka jaallannuu fi ijoollee keenyaatii fi nama jaallannu irraatii eegaluun akkamitti bartuu siif taasisuu akka dandeenyu nuti argisiisi.
- Qorachuudhaaf, hubannoodhaaf akkasumas dubbii kee faana bu'uudhaaf ogummaa si kadhanna. Dubbii kee isa dhugaa sana qooduudhaaf, akkasumas amanammummaadhaan warra kan birootiif hiruu nu barsiisi. .
- Gooftaa, maaloo qajeelfamoota hafuura barreeffamoota Ellen G Whiti keessatti argamuuf dinqisiifannaa keenya nuuf haaressi.
- Bilisummaa amantiitii fi biyya lafaa kana keessatti bilisummaa sammuu akka nuuf laattuf si kadhanna. Gooftaa, naannoo dubbiin kee hin galin jiru keessatti wangeela lallabuuf adaraa balbala nuuf bani.
- Gooftaa, mee waldaan kee biyya lafaa irra jirtu kun sanyii fi afaan hundumaatti ergaa ergamoota sadanii akka labsituuf waamicha ati gooteef akka fudhattuuf ishee gargaari. Jaalalaa fi ayyaana kiristoosiin giddu-galeessa barsiisa hundumaa akkamitti akka godhannu nuti agarsiisi.
- Gooftaa, Ergaa Ergamoota sadaniitiin jiraachuun maal akka fakkatu dargaggootaa fi ol-guddattoota keenyaaf fakkeenya ta'uufiin itti agarsiisuu akka dandeenyu nu gargaari.
- Gooftaa, Adveentistiin Guyyaa 7<sup>FFAA</sup> addunyaa kana irra jiran hundumtuu "Ani nan dhaqa" isa jedhu mee ha labsan, akkasumas waamicha si tajaajiluuf fi oduu gaarii waa'ee fayyinaa labsuus ol-haqaban.
- Ogesotni fayyaa, saayintistootni, hoggantootni mootummaa fi qondaaltotni fayyaa murtoo heedduu murteessan irratti ogummaa akka qabataniif ni kadhanna.
- Adveentistootni guutummaa addunyaa kana irra jiran gargaarsa qabatamaa ta'e akka godhanii fi warra dhiphina keessa jiraniif jajjabina akka ta'aaniif ni kadhanna. Yeroo ollaan keenya baay'ee nu barbaadaa jiran kanatti ija jabina, tooftaa fi hafuura ofittummaa hinqabne nuuf kenni.
- Haala qaala'iinsaa jijjiirama uumeen hojii dhabuun warra gama maallaqaatiin miidhamaniif ni kadhanna.
- Gooftaa, miseensotni waldaa warra dhibee sammuu wajjin wallaansoo wal-qaban/warra qophaa jiraatan/ akkamitti akka gargaaran adaraa isaanitti agarsiisi.
- Paasterootnii fi hojjetootni waldaa karaa ittiin miseensotni waliin dammaqinaan kadhachuu danda'an akka argataniif ni kadhanna. Gooftaa, waldaa kee waaqeffannaa fi tajaajilaan adaraa walitti harkisi.
- Dargaggoota kolleejjidhaa fi yuunversiitii guutummaa addunyaa irra jiru keessatti barnoota isaanii hordofaa jiran gidduutti haara'umsi hafuura akka ta'uuf ni kadhanna. Isaan kiristoosiif ambaasaadara cimaa akka ta'aaniifitti.
- Uummata lafa kana irra jiraatan keessaa 69% kan ta'aan warra barsiisa yesuus isa ifa ta'e hin argatin jiraniif ni kadhanna.
- Namoota miliyoona 62 ta'an, kanneen magaalota gamtaa sooviyeeti duraanii(kutaa Awurooppaa-Eeshiyaa) kessa jiran digdamii saddettan wangeelli baayinaan bira hinga'aamin jiruuf ni kadhanna.
- Ergamoota wangeelaa jagna ta'aanii garee namoota 746 biyyoota 20 gidu-galeessa bahaa keessatti hojjetan akka waaqayyo nuuf kaasuuf ni kadhanna.
- Gooftaa, barattoota sanyii/gosa/ waldeensitoota ammayya'aa ta'uun bakka rakkisaatti si tajaajiluuf fedhii qaban adaraa kaasi.
- Miseensota Adveentistii ari'atamuun isaan mudateef ykn sababa amantii isaaniitiif jecha hidhamaniif ni kadhannaaf.
- Namoota miliyoona 202 ta'an magaalota 41 kan kutaa kibba Eeshiyaa-Paasifik keessa jiran kanneen baayinaan wangeelli bira hin ga'ain jiru keessa jiraatan Yesuusiin akka beekaniif ni kadhannaaf.

- Muummee Barumsa Sanbataa/Muummee Dhugaa Baati Dhuunfaa waldaa hundumaa keessa jiraatan akka isaan karoora Waaqayyo bira ga'aniif akkasumas tajaajila jaalalaatiin,qo'annaa kitaaba qulqulluutii fi dhugaa baatii dhuunfaatiin hawwaasa isaanii bira ga'aaniif ni kadhannaaf
- Guddina Adventistii fi bakka bu'aa bayyaanachiisaa dhaabbata Adventistii bakka bu'ee hojii tola ooltummaa kan hojjetu (ADRA) yeroo isaan naannoo addunyaatti fedhii namoota bira hojiidhaan akka ga'an ni kadhannaaf.
- Namoota miliyoona 16 ta'an magaalota kutaa kibba paasifik keessa jiran kanneen bira hinga'amin jiruuf ni kadhanna.
- Hafuurri Qulqulluun namoota miliyoona 406 ta'anii magaalota 105 Kutaa paasifik Eeshiyaa Kaabaa keessa jiraatanii muraasii qofti wangeelaan bira ga'amee jiru akkamitti akka bira geenyu beekuu akka nu dandeesisuuf ni kadhanna.
- Gooftaa,akka tajaajila chaapileensii Adveentistiitti tajaajila chaapileensii kanaan beeksisuudhaaf, akkasumas miseensota fedhii qabaniin warra mana adabaa keessa jiraniif tajaajila gochuudhaf akka sochoofaniif adaraa isaan eebisi.
- Gooftaa,Barsiisota barnoota sanbataa keenyaatiif ni kadhannaa.Hojiin isaanii ijoollee keenyaatiif barbaachisaa ta'uu isaa adaraa ha beekaniitii.
- Gooftaa,bakka heedduu gidu-galeessa dhiibbaa geggeessuu danda'an fayyaa fi sagantaa maatii,akkasumas garee daandi barbaaddotaa guutummaa biyya lafaa keessa jiraataniif qajeelfama kee barbaanna.
- Gooftaa, barreeffamoota dhugaadhaan guutaman(kan maxxanfamee ba'ee fi waraabbiidhaan) erguudhaan akkamitti akka hawwaasa keenya biraan geenyu nutti agarsiisi.Namootni akka dubbisanii fi hafuurri qulqulluunis dhugaa wangeelaa akka itti mul'isuuf ni kadhanna.
- Gooftaa,hojii wangeelaaf jecha bakka balaa/rakkina qabu keessa warra jiraniif eegumsa kee si kadhanna.
- Maaloo hojjetoota wangeelaa barreeffaman hojjetan,barattoota fedha qaban,kitaaba kan barreessan,ogessota miidi'aa,akkasumas maallaqa isaanitiin sagaleen abdii fi jireenya akka baballatuuf deggersa kan godhan nuuf kaasi.
- Manneen barnootaa Adveentistiitiif,barattootaaf,akkasumas barsiisotaf si kadhanna.Mee manneen barnootaa kun amanammummaadhaan dhugaa wangeelaa kan barsiisanii fi dargaggoota gara ergama,tajaajila fi walitti dhufeenya lubbuu baraaruu kiristoosii wajjiin gochuutti hageggeessan.
- Gooftaa,amantii keessatti utuu bu'aa foonii argachuuf hin yaalin ogummaa ittiin aadaa biyya lafaa kana bira ga'uu dandeenyu nuuf kenni.Mee hafuurri kee inni qulqulluun sun keenyan biyya lafummaa laphee namootaa qabatee jiru hacabsu.
- Namoota waaqeffannaa hafuura garbummaa jala jiran,waaqa tolfamaa waaqessanii fi warra waanti hundumtuu dhagaa dabalatee lubbuu qabu jedhanii amanana bira ga'uu akka dandeenyuuf nu eebbisi.Ilaalcha biyya lafummaa isaan qaban hubachuudhaan fayyisaa isa ta'e sana isaaniif ibsuu akka dandeenyuuf nu gargaari.
- Gooftaa, Adveentistootni guyyaa torbaffaa guutummaa biyya lafa kana irra jiraatan akkaataa kadhatanii hinbeekneen akka kadhataniif adaraa isaan dammaqsi.Abdii ati laatte kan keenya godhachuu fi yeroo si kadhannu tulluu iyyuu bakka isaatii sochoosuu ni dandeesa jennee akka si eeggannu nu barsiisi.
- Qomoo namoota 541 biyyoota 18 kutaa kibba Afrikaa-Garba Hindii keessa jiraataniif ni kadhanna.Adaraa gara dhugaa caaffata qulqulla'aattii isaan geessi.
- Karaa qabatamaa ta'ee fi karaa hafuura waan isaan barbachisuun akkamitti warra koolu-galoota quunnamuu akka dandeenyu nutti agarsiisi.Mee waldaan keenya eenyuunis hata'aani ykn eessas hadhufani, namoota hundumaaf jaalala qabaachuun keenya habEEKAMU.
- Qomoo namoota 806 biyyoota 20 kutaa Inter-Awuurooppaa keessa jiraataniif akka isaan waldaa isaaniif ijaaraniif hojjetoota wangeelaa magaala keessa jiran akka isaaniif kaafuu ni kadhanna.
- Maaloo qomoo 948 kutaa biyya 38 inter-Amerikaa keessa jiraataniif akka isaan waldaa isaaniif ijaaraniif raayyaa hojjetootaa akka isaaniif kaafuu ni kadhanna.
- Bu'uuralee amantii waldaa keenyaa iftoominaan,karaa hubatamuu danda'amuu fi dhugaa wangeelaatiin akkaataa itti lallabnu adaraa nu barsiisi.
- Gooftaa,adaraa qomoo 789 biyyoota 9 kutaa Kaaba Amerikaa keessa jiraataniif akka isaan waldaa isaaniif ijaaraniif dargaggoota qopheesiif. .
- Qomoo namoota 70 Fiildii Israa'el keessa jiran tajaajiluuf fedhaan kan hojjetan akka qopheesituuf si gaafanna.
- Qomoo namoota 830 Kutaagiddu galeessaa Baha Afiriikaa keessa biyyoota 11 keessa jiraniif waldaa ijaaruuf ergamoota wangeelaa karaa fayyaa hojjetan akka kaafuu si gaafanna.
- Qomoo namoota 2,568 Divishinii kibba Eshiyaa keessa biyyoota 4 keessa jiraniif kadhachuuf loltoota kadhannaa akka kaafuu si gaafanna.
- Adaraa maatii, mana fi hawaasa keenya keessatti jaalalli kee akka mul'atu godhi. Mana keessatti waliigaltee fiduuf, hariiroo cabe fayyisuuf, warra miidhamaaf saaxilaman oolchuu fi haala abdii hin qabne fakkaatu keessatti humna kee isa qulleessu mul'isuuf si gaafanna.
- Qomoo namoota 1,978 Divishinii Diha – Giddu galeessa Afiriikaa keessa biyyoota 22 keessa jiraniif waldaa ijaaruuf Neersotaa fi Dokteerota akka kaafuu si gaafanna.

- Uumatoota miliyoon 49 biyyoota 19 Divishinii Trans-European keessa muraasi wangeelaan bira ga'ameef in kadhanna.
- Daa'immaniif keenyaaf ni kadhanna. Yeroo gufuu fi dhiibbaan isaanitti dhufu jabinaan akka dhaabbataniif adaraa humnaan isaan guuti. Filannoo ogummaa fi dhugaaf dhaabbachuu akka danda'aniif isaan gargaari.
- Fedhii namoota nutti dhihoo jirani guyyaa guyyaatti guutuuf fakkeenya jaalala Kiristos isa ofitummaa hin qabnee hordofuu nu barsiisi. Akka lallabdoota wangeelaa ogummaa fayyaatiin lallabaniitti, akka warra fedhaan hawaasa tajaajilanii fi akka michuu warra rakkatootaatti hojjechuuf nu leenjisi.